

## **Broshura dhe fletëpalosje, botuar nga Banka e Shqipërisë**

**Publikimet me rastin e Konferencës së IV Ndërkombëtare,  
Sarandë, 11-12 tetor 2003**

### **Banka Qendrore Evropiane**

Është një broshurë që i sjell publikut mjaft informacion për organizimin dhe mënyrën e funksionimit të insitucionit të Bankës Qendrore Evropiane, për drejtimin dhe drejtuesit e saj, si dhe *për bankat qendrore të vendeve anetare.*

Me një gjuhë të thjeshtë, broshura shpjegon hallkat nëpër të cilat kalon formulimi dhe zbatimi i politikës monetare të njehsuar në territorin e Bashkimit Evropian, duke bërë dallimin midis vendeve anetare në Eurozonë dhe atyre jashtë saj. Kjo broshurë, ofron edhe adresat e kontaktit për të gjitha bankat qendrore anëtare të BE-së. Botimi është vetëm në gjuhën shqipe.

### **Broshurat : “Historia e Akullores”, “Të flasim thjesht për inflacionin” dhe “Inflacioni: ç’duhet të dimë për të”**

Janë 3 broshura të cilat synojnë të shpjegojnë me një gjuhë të thjeshtë se ç’është inflacioni dhe pse flitet kaq shumë për të.

Të konceptuara si një seri broshurash të karakterit edukativ, ato i drejtohen shtresave të ndryshme të publikut që fillojnë me nxënësit e shkollave 8 - vjecare (Historia e Akullores) vazhdojnë me ata më të rriturit (Të flasim thjesht për inflacionin) për të dhënë një shpjegim më profesional tek broshura e fundit. Në funksion të kësaj ideje, dy broshurat e para janë edhe të ilustruara.

### **Broshura “Sistemi i Pagesave”**

për herë të parë synon të prezantojë thjesht para publikut shqiptar cilat janë mjetet e pagesave, ç’është një sistem pagesash, cilët janë përbërësit e tij. Gjithashtu, kjo broshurë jep edhe një pamje të sistemit tonë të pagesave dhe të rolit të Bankës së Shqipërisë në këtë sistem. Botimi është përgatitur vetëm në gjuhën shqipe.

### **Fletëpalosja “Sistemi i Pagesave”**

në shqip dhe anglisht, është vecuar nga broshura me të njejtin titull duke synuar të nenvizojë në publik se çfarë përfaqëson sistemi i pagesave në vendin tonë, shkallën e zhvillimit të tij dhe cili është roli i Bankës sonë Qendrore në këtë sistem.

### **Broshura “Instrumentet e politikës monetare”**

Instrumentet e Politikës Monetare të Bankës së Shqipërisë dhe procedurat për realizimin e tyre. Një broshurë që shpjegon kuadrin operacional të Bankës së Shqipërisë dhe mënyrën e funksionimit të tij. Duke qenë vijim edhe i një tjetër publikimi për këtë qëllim, ajo është përpjekur të shpjegojë më gjerësisht dhe me një gjuhë sa më të kuptuar nga publiku se si funksionon dhe si është i rregulluar ky kuadër. Broshura është botuar edhe në gjuhën angleze.

#### **Broshura : "Bonot e thesarit. Si t'i njohim ne ato?"**

Është një nga publikimet më të dobishme të këtij lloji. E shkruar në shqip dhe anglisht, publiku e gjeti shumë të përshtatshme për të plotësuar njohuritë e tij rreth bonove të thesarit, mënyrës së investimit në to dhe përparësive të tjera që ofrojnë.

#### **Fletëpalosja : "Shqipëria - Shifra dhe fakte".**

Përmbledhje e treguesve kryesorë ekonomikë të vendit ndër vite. E shkruar në shqip dhe anglisht, fletëpalosja është një paraqitje tabelare dhe grafike, e lexueshme nga një rreth mjaft e gjerë specialistësh. Botohet rregullisht një herë në vit.

#### **Broshura : "Komuniteti evropian dhe Euro".**

Është vetëm një pjesë e publikimeve, shkrimeve të publikuara në revista ekonomike, seminareve të mbajtura në ambiente të ndryshme brenda dhe jashtë Bankës së Shqipërisë në fushatën njohëse të euros nga publiku shqiptar, në të cilën Banka e Shqipërisë u angazhua gjatë gjithë vitit të kaluar.

Informacioni që i jepet publikut nëpërmjet saj është i thjeshtë, i kuptueshëm dhe i qartë në synimin njohës që ka. Broshura është e disponueshme në dy gjuhë: shqip dhe anglisht.

#### **Broshura e Bilancit të Pagesave.**

Është një broshurë e shkruar thjeshtë dhe me një gjuhë të kuptueshme për publikun, që sqaron ç'është bilanci i pagesave, sa familjarë ne të gjithë jemi me të në jetën e përditshme dhe sa të rëndësishme janë statistikat e bilancit të pagesave për ekonominë e një vendi. Është shkruar vetëm në shqip.

#### **Broshura : "Sistemi bankar shqiptar".**

Është një botim tjetër në serinë e broshurave që janë publikuar për qëllime të njohjes së publikut me institucionin e bankës, mënyrën e funksionimit të saj, përparësitë e të punuarit me to dhe sigurinë që ato ofrojnë. Broshura është shkruar në shqip dhe anglisht.

#### **Fletëvolanti : "Një vështrim i përgjithshëm mbi monedhat euro".**

Siç edhe dihet Banka e Shqipërisë, zhvilloi një fushatë për njohjen e euros dhe publikimi e shpërndarja e këtij fletëvolanti ishte pjesë e kësaj fushate. Në gjuhën gjermane ai kishte pamje mjaft të qarta të monedhave të reja, ndërsa në fletën në shqip që e shoqëronte ishin të përkthyer të gjitha të dhënat për secilën prerje.

#### **Broshura : "Euro, paraja jonë. Elementet e sigurisë së kartëmonedhave euro".**

Është një tjetër broshurë, mjaft mirë e ilustruar dhe që ndihmon mjaft secilin që e merr në dorë, për t'u njohur deri në detaje me monedhën e re. Sidomos, i vë theksin elementeve të sigurisë së monedhës së re. Është e shkruar vetëm në gjuhën shqipe.

#### **Broshura : "Dokumenti i politikës monetare për vitin 2002".**

Një broshurë e koceptuar si një përmbledhje e thjeshtuar e politikës monetare, që Banka e Shqipërisë do të ndjekë gjatë vitit 2002. E shkruar në shqip dhe anglisht, për herë të parë në këtë vit kalendarik, broshura plotëson mjaft mirë një boshllëk të deritanishëm informativ për publikun e gjerë në këtë fushë.

**Broshura : "Përgatitjet për euron. Udhëzuesi juaj për kartëmonedhat dhe monedhat Euro".**

E përgatitur dhe e shtypur nga Banka Europiane dhe Banka Qendrore e Gjermanisë në gjuhën shqipe. Një broshurë që jep informacion të plotë për monedhën e re dhe shenjat e saj të sigurisë. E plotë jo vetëm në të dhënat që përmban, por edhe në ilustrimet e secilës prej kartëmonedhave.

**Broshura : "Instrumentet e politikës monetare".**

Një broshurë e ilustruar, që jep informacion të thjeshtuar mbi instrumentet e politikës monetare dhe operacionet që Banka e Shqipërisë realizon nëpërmjet tyre.

**Fletëvolanti : "Sistemi i sigurimit të depozitave në Shqipëri"**

Një përshkrim i shkurtër dhe i thjeshtë mbi funksionet e Agjencisë së Sigurimit të Depozitave (ASD). Përfitimet e depozituesve nga aktiviteti i saj.

**Broshura : "Pak fjalë për Bankën Qendrore"**

Një broshurë e ilustruar me informacion të përgjithshëm për Bankën Qendrore dhe aktivitetin e saj.

**Fletëpalosja : "Mbikëqyrja Bankare"**

Një përmbledhje shifrash dhe të dhënash për sistemin bankar shqiptar.

**Fletëpalosja : "Teknologjia e Informacionit"**

Një paraqitje e përmbledhur e ilustruar me skemë, për aktivitetin e teknologjisë së informacionit dhe shërbimet që ajo ofron në Bankën e Shqipërisë.

**Fletëpalosja : "Burimet Njerëzore"**

Struktura organizative e momentit në Bankën e Shqipërisë dhe si ka ndryshuar ajo nëpër vite.

**Dosja : "Departamentet në Bankën e Shqipërisë"**

Roli, detyrat dhe funksionet e departamenteve në Bankën e Shqipërisë. Objektivat dhe arritjet e tyre më të spikatura.

**Fletëvolant për promovimin e faqes së internetit të Bankës së Shqipërisë**

Mjaft i thjeshtë, në shqip dhe në anglisht, fletëvolanti ka për qëllim të rrisë numrin e vizitorëve të faqes së Bankës së Shqipërisë në internet.

**Fletëvolante "Konsumatorë shqiptarë", "Biznesmenë, tregtarë dhe shitës".**

Këto dy fletëvolante u hartuan dhe u shpërndanë për qëllim të sensibilizimit dhe ndërgjegjësimit të publikut për mosrritjen artificiale të çmimeve në pragfesta. Publikimi i këtyre fletëvolanteve ishte pjesë e fushatës kundër rritjes së çmimeve që Banka e Shqipërisë ndërmori në dhjetor të vitit 2002.

**Fletëpalosje "Investimi në bonot e thesarit"**

Një fletëpalosje me karakter shpjegues që synon të sqarojë publikun për mënyrën e investimit në bonot e thesarit dhe përparësitë e këtij investimi.